

Tocu encasau tegweuadijel ansalewiliel mauipegwelcic ansalewiji, wasogawe n'tabluc, etlemuiwoladijel Cisulcul, teluejic; Telicpamin-siducsij Cisulc mauiespec wasoga; ancuomc usitcamuga. Welaltimcewe mimajuinuictuc.

Na ciscinaladidec, elidadidec ansalewitcic wasoga, telimtultijic jinamuc tanic jicelueuji nujeuadiji: Lidanej telibesuc Betaniga; ancaptamanej ula cogue tan cisadasic, tan Cisulc telicanuadulcwa. Na nocsipejidajic, ac wejiadijel Malial ac Sosepal, ac mijuajijel elisilnijel tan tet waisisc ebatcwodalultidija. Cisinemiadij, agenudemudijic agenudemacn tan cisitelimuj ujit ula mijuajijela. Ac tanic m'sit nudamadij pacalastamidij telimcwidiija jicelueuji nujeuadiji. Cadu Mali ancotcel m'sit negula coguel ac ancidetcel ucwomlamunca.

Tocu apscwedajic jicelueuji nujeuaji, etlicpemelidimadijel, etlimuiwoladijel Ciculcul, ujit m'sit egula tanel cisinudamidijel, ac cisinamidudidijel, stege ansalewitcic telimadipa.

Na ugamuljin cis tesugunac pegwonesadijel mijuajijel, ac wisunceut Sesus, tan wejiteliwisunceutep ansalewiliel cescamanac eyamugwec ucwijel utlamiluga." (Luke, chap. II., 4—21.)

Na, ajcinetut, teluikscijinuic Sese Guli. Na pemigis. Nesinscegebunaj baptisewalus, ac bocjipseduncus. Eulejis, atcigenasis, siauyu cewisincas, cedusamucwos, ac wenmaji-dasis. Alasis mimajuinuictuc, apjiulodeget, ceginudamuaji mimajuinua; welalaji eulejultiliji; nebilaji acsinugowinua. Na siauyu pestuncas. Encuj upestunamageweamal wescodamugel Baibal ictuc. Apostalewitcic ewicamidip. Neuctej negula na:

(Luke XV.) "Na m'sit wenic nujimauadacadijic eligewitewe sulewea, ac m'sit tanic winmadudijic, wejuauidadijel Sesusel, ceduijicsetuadijel. Toeu Palasiak ac Nujiwigagedijic amselabuguejic, teluejic: Ut jinan weswalaji